

**Najib Dan Isteri Sertai Gotong Royong Bersihkan SK Padang Rumbia  
Bernama  
Jan 10, 2015**

PEKAN, 10 Jan (Bernama) -- Perdana Menteri Datuk Seri Najib Tun Razak hari ini melawat Sekolah Kebangsaan Padang Rumbia dekat sini yang terjejas banjir baru-baru ini serta menyertai program gotong royong membersihkan dewan sekolah itu.

Turut serta isteri perdana menteri, Datin Seri Rosmah Mansor dan Menteri Besar Pahang Datuk Seri Adnan Yaakob.

Najib dan Rosmah serta Adnan meluangkan masa selama 30 minit menyertai kira-kira 250 sukarelawan daripada Universiti Teknologi Malaysia, Kementerian Sains, Teknologi dan Inovasi, pelatih Program Latihan Khidmat Negara, syarikat Sapura dan Najib Razak Club dalam program gotong royong itu.

Pada program itu, Perdana Menteri turut menyampaikan bantuan peralatan sekolah sumbangan sebuah syarikat swasta untuk murid yang terjejas banjir dan bantuan awal persekolahan RM100 setiap murid.

-- BERNAMA

Copyright © 2014 BERNAMA

Source :<http://www.bernama.com/bernama/v7/bm/newsindex.php?id=1099559>